



Centro Integrado Gestão De Crise Sala De Situação

KOMUNIKADU BA IMPRENSA

17 de Maiu 2021, 17H15.

(Dr Rui Maria de Araújo, Kordenador Forsa-Tarefa ba Prevensaun no Mitigasaun Surtu Covid-19 iha Timor-Leste, CIGC-SS)

Ohin, loron 17 fulan Maiu 2021, hodi Centro Integrado Gestão de Crises, Sala Situação (CIGC-SS) nia naran, hakarak hato'o ba jornalista, no ba públiku tomak, informasaun hanesan tuir mai:

I. DADUS JERAL BA TIMOR-LESTE TOMAK:

- 1) Kazu detetadu foun ne'ebé relata ohin dia 17 de Maiu de 2021: **131** (iha Dili 119, iha Munisipiu seluk 12).
 - Husi total kazu detetadu foun ohin: **mane 73, feto 58.**
 - Husi total kazu detetadu foun ohin, hirak ho idade **tinan <12:5**; ho idade **entre tinan 12-59 nain 123** (93,8%); ho idade **>60:3.**
 - Husi total kazu detetadu foun ohin, **proporsaun kazu sintomátiku hamutuk 9,9%.**
- 2) Total kazu konfirmadu kumulativu iha 17 de Maiu 2021 (sura husi 21 Marsu 2020): **4589.**
- 3) Kazu rekuperadu ne'ebé ralata ohin, dia 17 de Maiu 2021: **75.**
- 4) Total kazu ativu ohin, dia 17 de Maiu 2021:**2173.**
- 5) Husi horiseik mai ohin, dia 17 de Maiu, hamutuk hotu Laboratóriu Nasionál Saúde halo **553 testes PCR iha Dili**, ho detalles hanesan tuir mai:
 - a) Vijilánsia sentinela:**4.**
 - b) Rastreiu ba kontaktu (Contact tracing): **93.**
 - c) Rastreiu Aleatoriu (Random Screening):**105.**
 - d) Viajen sai husi serka sanitária Munisipiu Dili:**330.**
 - e) Viajen internasionál: **19.**
 - f) Follow up iha quarentena:**2.**
- 6) Total testes PCR ne'ebé halo horiseik dia 16 de Maiu iha Munisipiu sira seluk , REAOA & HNGV, hamutuk **271**, ho detalle hanesan tuir mai: (a) **Baucau:29**; (b) **Ermera:25**; (c) **Maliana:12**; (d) **Maubisse:23**; (e) **RAEOA:3**; (f) **Suai:55**; (g) **Viqueque:45**; (h) **HNGV:79.**

II. TABELA EVOLUSAUN SURTU COVID 19 IHA TIMOR-LESTE: HUSI 21 MARSU 2020 - 17 MAIU 2021.


(Tuir klasifikasaun transmissaun OMS nian)

Nº	MUNISIPIU	KAZU DETETADU FOUN IHA 24 ORAS IKUS	KAZU REKUPERADU IHA 24 ORAS IKUS	KAZU ATIVU	KUMULATIVU REKUPERADU	KUMULATIVU KAZU KONFIRMADU	ÓBITU IHA 24 ORAS IKUS	KUMULATIVU ÓBITU	KLASIFIKASAUN TRANSMISSAUN
1	AILEU	0	0	6	5	11	0	0	Kazu esporádiku
2	AINARO	0	0	8	15	23	0	0	Kazu esporádiku
3	BAUCAU	0	0	124	78	202	0	0	Kazu iha Cluster
4	BOBONARO	4	0	16	12	28	0	0	Kazu esporádiku
5	COVALIMA	1	0	87	18	105	0	0	Kazu iha Cluster
6	DILI	119	75	1806	2125	3940	0	9	Transmissaun Komunitária
7	ERMERA	2	0	18	49	67	0	0	Kazu iha Cluster
8	LAUTEM	0	0	11	12	23	0	0	Kazu esporádiku
9	LIQUIÇA	0	0	11	10	22	0	1	Kazu esporádiku
10	MANATUTO	0	0	8	6	14	0	0	Kazu esporádiku
11	MANUFAHI	0	0	1	52	53	0	0	Kazu iha Cluster
12	RAEOA	0	0	1	7	8	0	0	Kazu esporádiku
13	VIQUEQUE	5	0	76	17	93	0	0	Kazu iha Cluster
TOTAL		131	75	2173	2406	4589	0	10	

III. EVOLUSAUN SURTU COVID 19 IHA MUNISIPIU DILI, MUNISIPIU SIRA SELUK NO MÓS RAEOA

Atu bele hatene surtu ida ninia evolusaun, no mós surtu ne'e aumenta ka diminui, **indikator ida** ne'ebé matenek-nain epidemiolojia nian uza, maka **insidénsia**. Konvensionalmente insidénsia sukat **total kazu foun, kada loron, pur 100 mil habitantes**, no hatudu *risku ne'ebé populasau iha atu hetan da'et moras ida*.

Gráfiku nº1: hatudu kazu detetadu foun kada loron iha Timor-Leste tomak, pur Munisipiu & RAEOA.




- Gráfiku iha leten hatudu katak média (rata-rata) ohin, husi insidénsia Covid-19 iha Timor-Leste durante loron 7 ikus maka **13,4/100 mil abitanes**, enkuantu ba deit **Munisipiu Dili 41,9/100 mil abitanes**.

- Insidénsia iha leten sei nafatin hatudu katak **Munisipiu Dili maka fatin ho risku bo'ot liu atu populusaun hetan da'et & hada'et tutuan virus SARS-CoV-2.**
- Ilustrasaun seluk husi taxa insidénsia: se ita haree didi'ak ba dadus kazu pozitivu ne'ebé iha, Timor-Leste atinji
 - ✓ 1000 kazu iha loron 384 nia laran, maibé
 - ✓ iha loron 17 nia laran deit, husi 1000 sa'e ba 2000 kazu,
 - ✓ hafoin iha loron 11 nia laran deit, husi 2000 sa'e ba 3000 kazu,
 - ✓ no ikus liu, iha deit loron 6 nia laran, sa'e husi 3000 ba 4000 kazu.

IV. INFORMASAUN HUSI IZOLAMENTU

1. Iha dia 17 de Maiu de 2021, izolamentu Vera Cruz halo tratamentu ba kazu detetadu nain 29. Iha área obstetrisia nain 13, no iha medisina interna nain 16.
 - Sira nain 13 iha obstetrisia, kategoria moderadu hotu, sira nia kondisaun estável.
 - Husi sira nain 16 iha medisina interna, 1 kritiku uza ventilador, 5 grave uza oksijéniu, nain 10 moderadu.

Gráfiku nº 2: Total kazu pozitivu hirak ne'ebé baixa ospital kada loron & kumulativu.



- Koluna kór verde hatudu kazu foun ne'ebé deteta kada loron iha Timor-Leste laran tomak.
 - Liña azul iha gráfiku ne'e, hatudu númeru kazu moderadu no grave ne'ebé baixa iha Vera Cruz, no hatudu katak wainhira ema barak liu detetadu pozitivu, barak-liu tan maka sei baixa ho kategoria moderadu no grave.
2. Informa mos ba públiku katak husi fulan Marsu 2021 to'o ohin, iha fatin izolamentu Vera Cruz, husi inan isin-rua ne'ebé deteta pozitivu, akontese/hala'o partu normal 9, hahoris liu husi operasaun cezariana 3, partu asistidu ho ventoza 3, abortu 1, no bebé ne'ebé hahoris

iha kondisaun mate nain 2. **Total bebé 15 maka moris ho kondisaun saudável iha Vera Cruz, husi inan sira ne'ebé deteta pozitivu, maibé la iha bebé ida maka pozitivu.**

V. INFORMASAUN ADISIONÁL

1. Hakarak fo'ó hanoin hikas ba públiku katak bele uza número hotline 119, hodi kontakta ekipas operasionais iha Ministeriu Saúde. Pur ezemplu, se hakarak halo swab ba teste PCR, bele kontakta 119, hafoin ema ne'ebé atende telefone sei enkamiña ba ekipa vijilánsia epidemiolójika hodi bele organiza. Nune'e mós wainhira ida dúvida ka presiza atendimentu ruma relasiona ho Surtu Covid-19, halo favor liga ba 119.
2. Aproveita informa mós ba públiku katak, fatin atu halo teste PCR maka hanesan tuir mai:
 - Wainhira sente moras isin-manas, mear, kakorok moras ka sintoma seluk tan: **bele ba konsulta iha Sentru Saúde ne'ebé besik, atu bele halo swab.**
 - Wainhira atu husu autorizasaun esepSIONÁL sai husi serka sanitaria iha Dili: **bele ba halo swab iha Centro Convenções Dili (CCD).**
 - Wainhira sente katak sai kontaktu-besik ba ema ruma ne'ebé detetau pozitivu ona, no seidauk hetan kontaktu husi ekipa konjunta saúde: **bele liga ba numeru 119 atu organiza oin sá foti swab.**
 - Ekipa Saúde na Familia (SnF) iha Sentru Saúde sira iha Dili, halo mós vizita ba bairru ho aldeia sira ne'ebé detetadu kazu barak ona. Sira ne'ebé iha sintomas, ka sente kontaktu besik ho kazu pozitivu ruma, bele hakbesik ba sira hodi halo swab.

VI. APELU

1. Apela ba populasaun iha Timor-Leste laran tomak atu tu'ur hakmatek, kumpri ho rigor regra serka sanitaria no konfinamentu domisiliáriu ne'ebé Konsellu Ministru decide ona implementa hahú da 30 de Abril, no estende tan ona semana 2 ba oin. Husu atu hotu-hotu kolabora ho autoridade saúde sira hodi bele buka-tuir ema hotu ne'ebé hetan da'et ona virus ne'e, no izola husi no labele hada'et-tutan ba ema ne'ebé seidauk hetan da'et.
2. Apela ba populasaun iha Dili laran no mós iha Munisipiu sira seluk, atu apresenta-an iha facilidade saúde públiku (Sentru Saúde ka Ospital) ne'ebé besik, wainhira sente isin-manas, ka kakorok moras, ka inus-ben, ka mear, hodi bele hetan atendimentu husi profesionál saúde sira. Wainhira sedu liu hatene se virus ne'e kona ita ka la'e, dí'ak liu, hodi nune'e bele hetan atendimentu sedu liu, no prevene tama ba iha situasaun ne'ebé hanaran sindroma insufisiénsia respiratória aguda (SIRA), ka susar/difisil atu dada-i'is.
3. Ba populasaun iha Timor-Leste laran tomak, favor respeita nafatin regra prevensaun no ijiéne individual, ne'ebé Governu hatu'ur ona, atu prevene moras Covid-19 da'et ba mai. Regra sira ne'e, hanesan ita hotu hatene ona, maka: (a) uza máskara; (b) fase liman beibeik ho sabaun ka dezinfetante ruma; (c) evita kose liman ba matan, inus ho ibun; (d) wainhira kumprimenta malu, la presiza ka'er liman, bensa-liman, rei-malu ka haku'ak malu; (e) evita halibur malu barak; (f) hamri'ik ka tur do'ok husi ema seluk, mínimu metru ida ho balun.

-ninin no rohan-

RMA